

LAMEGA PSS suntik semangat ke institut pengajian tinggi

NST 21.8.2018 8

KOTA KINABALU: Persatuan Siswazah Sabah, baru-baru ini menganjurkan program Lambaian Menara Gading (LAMEGA) di Dewan Resital Universiti Malaysia Sabah (UMS).

Program itu yang diadakan selama sehari dengan disertai hampir 100 orang pelajar Pra-U dan bakal-bakal mahasiswa yang bakal memasuki universiti sekitar bulan September 2018 ini.

Program ini bertujuan menyuntik semangat peserta untuk bersemangat menyusun langkah agar mencapai cita-cita melanjutkan pelajaran ke peringkat pengajian tinggi.

Selain itu, program ini juga sebagai satu inisiatif Persatuan Siswazah Sabah (PSS) mendedahkan bagaimana menjadi seorang mahasiswa yang mempunyai jati diri unggul, bermotivasi serta mengetahui bagaimana

suasana dan cabaran semasa dalam tempoh pengajian nanti.

Pengarah Program, Muhammad Siddiq Bakri memberitahu, program ini memberi pencerahan dan sinar kepada peserta agar mencapai cita-cita adalah bukan suatu perkara yang mustahil.

Program ini turut menampilkan Hasmadi Hasbi, Presiden Persatuan Siswazah Sabah dis-

amping motivator terkenal Mohamad Solhi Mohd Sharif dan Hendri Hamsah. Turut menampilkan mahasiswa tahun 3 Universiti Malaysia Sabah, Wahyuni Wahid.

Dalam seminar ini, peserta dihidangkan dengan pengisian high-impact seperti "From Zero to Hero", Bina Jati Diri, dan forum perbincangan perihal gambaran dan suasana berada di Menara Gading.